

Bekering 2009

Mar 1:1-15

- (1) Die begin van die evangelie van Jesus Christus, die Seun van God.
- (2) Soos geskrywe is in die Profete: Kyk, Ek stuur my boodskapper voor u aangesig, wat u pad voor U uit sal regmaak—
- (3) die stem van een wat roep in die woestyn: Berei die weg van die Here, maak sy paaie reguit!

- (4) Johannes het gekom en was besig om in die woestyn te doop en die doop van bekering tot vergifnis van sondes te verkondig.
- (5) En die hele Joodse land en die inwoners van Jerusalem het uitgegaan na hom toe, en almal is deur hom gedoop in die Jordaanrivier met belydenis van hulle sondes.

- (6) En Johannes was gekleed met kameelhare en 'n leergord om sy heupe, en hy het sprinkane en wilde heuning geëet.
- (7) En hy het gepreek en gesê: Hy wat sterker is as ek, kom ná my, en ek is nie waardig om neer te buk en sy skoenriem los te maak nie.
- (8) Ek het julle wel met water gedoop, maar Hy sal julle doop met die Heilige Gees.

- (9) En in daardie dae het Jesus van Násaret in Galiléa gekom en is deur Johannes in die Jordaan gedoop.
- (10) En dadelik toe Hy opklim uit die water, sien Hy die hemele skeur en die Gees soos 'n duif op Hom neerdaal.
- (11) En daar het 'n stem uit die hemele gekom: U is my geliefde Seun in wie Ek 'n welbehae het.

- (12) En dadelik het die Gees Hom uitgedryf in die woestyn.
- (13) En Hy was daar in die woestyn veertig dae lank, terwyl Hy deur die Satan versoek is; en Hy was saam met die wilde diere, en die engele het Hom gedien.

- (14) En nadat Johannes oorgelewer was, het Jesus in Galiléa gekom en die evangelie van die koninkryk van God verkondig
- (15) en gesê: Die tyd is vervul en die **koninkryk van God het naby gekom; bekeer julle en glo die evangelie.**

Die **groot boodskap** in die Bybel is verlossing. Verlossing deur die **bloed** van Jesus Christus. Verlossing deur die **geloof** in Jesus Christus.

En die heel groot element van verlossing is **bekering**.

Voordat ons van ons sondes **verlos en vergewe** kan word, moet ons ons eers **bekeer**.

Ons moet ons eers van die **sondes bekeer** en dan sal die Here ons **vergewe** en ons ook **vrymaak** daarvan.

1Joh 1:9 “As ons ons sondes **bely**, Hy is getrou en regverdig om ons die sondes te **vergewe** en ons van alle ongeregtigheid te **reinig**.”

Ons moet **bely** -- Dit is ‘n stap van **bekering** -- En dan sal God ons **vergewe** en ons daarvan **reinig** ... Met ander woorde **verlos**.

Daar is **twee elemente** verbonde aan verlossing. Hierdie twee elemente is ‘n **absolute vereiste** vir verlossing.

En dit is **Geloof en bekering**.

Niemand sal ooit gered kan word sonder hierdie **kern elemente** nie.

Ek kan nie maar **aangaan met die lewe** en **doen wat ek wil** en **alles waarvoor ek lus is** en daarop aandring dat my **siel gered** is nie.

Nee, daar moet ‘n **verandering** in my lewe plaasvind. Ek moet my van die **sonde** en die **verkeerde weë bekeer** en dan kan ek sê: “**Ek is verlos**.”

Ek moet Jesus as my **persoonlike Saligmaker aanneem en bely**. Ek moet **glo** Hy het vir my **sondes gesterf** en die **volle prys** vir my betaal.

Ek kan nie sê: Ek **glo nie in Jesus** en die **verlossing in Sy bloed** nie -- En dink ek sal eendag in die **hemel** kan ingaan nie.

Die vereiste om in te gaan is om **te glo** dat Jesus die Verlosser is.

Buite Jesus is daar **geen verlossing** nie.

Joh 10:9 “**Ek is die deur**; as iemand **deur My ingaan**, sal hy gered word,...

Daar is **net een weg na God** en die **ewige lewe** en dit is in Jesus Christus. Sonder Jesus sal **niemand** in die Hemel kan ingaan nie.

Joh 14:6 “Jesus antwoord hom: Ek is die **weg** en die **waarheid** en die **lewe**; **niemand kom na die Vader behalwe deur My nie.**”

Maar ons moet beseef, daar is **uitsonderings**.

Daar is sekere mense wat sal hemel toe gaan **sonder dat hulle in Jesus glo** en sonder dat hulle **Jesus aanneem** en sonder dat hulle **hul bekeer**.

Is dit so???

Nee, dit is ‘n leuen!!

Hoekom **dink** so baie mense dan hulle kan **sonder Jesus gered** word?

Hulle stel **nie belang nie**. Hulle lewe hul **eie lewe**. Hulle lewe is **boos**, maar hulle **wil graag Hemel** toe gaan.

Daar is ‘n vereiste: **Glo in Jesus Christus en Bekeer.**

“...Ek is die **weg** en die **waarheid** en die **lewe**; **niemand kom na die Vader behalwe deur My nie.**”

Daar is **geen ander manier** om in die Hemel in te gaan **behalwe deur Jesus** nie.

Wanneer Jesus sê: “**Ek is die deur...**” Dan bedoel Hy daar is **geen ander weg** nie.

Daarom sê Jesus in **Markus 1: 15:** “**Bekeer julle en glo**” Dit is die **absolute vereistes** tot ons verlossing.

Hierdie twee elemente van verlossing is **aan mekaar verbonde** en kan **nooit geskei** word nie.

Ek kan nie sê **ek glo**, maar ek wil my **nie bekeer nie**. Die **geloof alleen** sal my **nie red nie**.

En net so sal ek my ook nooit **sonder geloof** kan bekeer nie.

Wat beteken bekeer? Dit beteken: **Verandering van gedagte**. “**A changing of mind.**”

En – Om **weg te draai** of **Om te draai**. “Turning away.”

‘n **Verandering van rigting**.

Dit beteken om my **gedagte** omtrent sonde **te verander** en daarvan af **weg te draai**.

En dit alles begin natuurlik met die **erkenning van sonde**.

Die drie moeilikste woorde vir ‘n mens om te sê is:

“**Ek het gesondig.**” “**Ek is verkeerd.**” “**Ek is jammer.**” “**Ek vra vergifnis.**”

Maar dit is waar ons moet **begin** met bekering.

Ons moet aan **onself** en aan **God erken** dat ons verkeerd was. En dat ons **sonde gedoen** het.

Ek dink die **moeilikste stap** is om eers eerlik met **jouself** te word en aan **jouself te erken** dat dit wat jy doen verkeerd is.

Niemand sal ooit sonder **selferkenning** gered of gehelp kan word nie.

Wanneer ons **erkenning gee** aan die sonde, sien ons nie net **onself as sondaars** nie, maar besef ons ook dat **alle sonde teen God** is.

Hoor wat sê Dawid in [Ps. 51: 6](#).

:6 “Teen **U alleen** het ek gesondig en gedoen wat verkeerd is in u oë,....”

Die Engelse vertaling sê dit baie mooi:

[Ps 51:4](#) “Against **thee, thee only**, have I sinned, ...”

Alle sonde wat ons doen is **teen God**. Wanneer ons **faal** om reg te doen, **faal ons God**.

Ons faal nie **onself** nie, maar ons **faal God**.

Ons faal God se Woord.

Omdat alle sonde **teen God is**, daarom moet ons **berou** ook teenoor God wees.

Daarom sê die Woord van die Here moet ons eers ons **sondes bely** en dan sal **God ons vergewe**.

Ons bely inderwaarheid dat ons verkeerd **teenoor God** gehandel het deur sonde te doen. Ons het **dit gedoen**, wat God **nie behaag nie** en daarom moet ons God om **vergifnis** vra.

Ons moet ons **sondetoestand beseef**. Ons moet 'n **werklike behoefte** aan vergifnis hê.

Ek moet beseef:

Ek kan **nie een dag** verder aangaan voordat ek my saak met God **reggemaak** het nie. Ek ontwikkel 'n **diepe begeerte** en **verlange** na **sondebelydenis** en **vergifnis**.

Vergifnis is nie 'n **aanvaarding** van die sonde nie, maar dit **hestel** ons **verhouding** met God.

Dit is waaroor dit gaan.

Belydenis en vergifnis handel oor **restorasie**. Dit **restoreer ons verhouding** met God.

Dit beteken nie God **aanvaar** ons sondes nie, maar wanneer God ons **vergewe** beteken dit ons kan weer met Hom **praat** en **kommunikeer** soos Adam gedoen het **voor die sondeval**.

Die **skeidsmuur** wat tussen ons en God opgerig word **deur die sonde** word **afgebreek**.

Die **kanaal van kommunikasie** word oopgemaak en ons kan in **Gemeenskap** en **Harmonie** met God lewe.

Daar moet ook onderskeid getref word tussen **jammerte** en **diepe berou**.

In die tronke is daar baie mense wat **jammer is** oor dit wat hulle gedoen het. En nog **meer jammer is** omdat hulle **gevang** is, maar daar is min van hulle wat **werklik berou** het oor hulle misdaad.

Werklikke diepe berou is nie **vrees vir straf** nie, maar berou lei na 'n **wegdraai van sonde** en 'n **terugkeer tot God**.

Dit is wat **bekering** behels.

Ons moet van **eienaarskap** verander. **Jesus moet die Eienaar** van ons lewens word. Dit is **ware berou** en **bekering**.

Eers het ek aan **myself behoort**, maar nou het ek die **eienaarskap aan Jesus** oorhandig en nou **behoort ek aan Hom**.

Nou maak dit nie meer saak **wat gebeur** in hierdie lewe nie, want ek **behoort aan Jesus**.

Jesus word nou die **middelpunt** van my bestaan. Dit is nie meer **my wil** nie, maar **laat U wil geskied**.

Ek gee nie **net my lewe oor** nie, maar ook **my eie wil**.

Ek wil **dit hê**... Ek wil **dit doen**... Nou word dit: Here wat wil **U hê**. Here wat **wil U hê** moet ek doen?

Dit is 'n **totale oorgawe!**

Ek gee my oor in die **hand van die Here** en dit beteken ook om nie meer oor die **dag van môre** te bekommer nie, want die dag van môre **is ook in God** se hand oorgegee.

En wanneer ek **aan God behoort** sal Hy na **Sy eie omsien**.

Wie wil vandag 'n **besluit vir Jesus** maak?

Wie wil na God **terugkeer**?

Is daar iemand wat wil sê: "Here ek het **gesondig**... Ek het **verkeerd** gedoen."